

BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom

IZVJEŠTAJ

O RADU I FINANSIJSKO-MATERIJALNOM POSLOVANJU
FEDERALNE AGENCIJE ZA UPRAVLJANJE ODUZETOM IMOVINOM
ZA PERIOD 01.01 – 30.06.2017. GODINE

Sarajevo, juli/srpanj 2017. godine

SADRŽAJ

1. UVOD	3
2. NADLEŽNOST AGENCIJE	4
3. RUKOVOĐENJE I ORGANIZACIJA AGENCIJE	5
3.1. Rukovođenje	6
3.2. Organizacija	6
4. UPRAVLJANJE ODUZETOM IMOVINOM	7
4.1. Postupanje Agencije po odlukama nadležnih sudova	7
4.2. Predmeti u radu	8
5. STRATEŠKI CILJEVI	16
5.1. Jačanje kapaciteta Agencije za upravljanje oduzetom imovinom	16
5.2. Upravljanje privremeno i trajno oduzetom imovinom u skladu s nadležnostima Agencije	21
5.3. Provođenje analiza u području oduzimanja imovinske koristi pribavljene krivičnim djelom	24
6. OSTALE AKTIVNOSTI AGENCIJE	26
6.1. Izrada Instrukcije Javnog komuniciranja Agencije i upoznavanje javnosti sa primjenom Zakona	26
6.2. Izrada Plana integriteta	27
6.3. Organizovanje Regionalne konferencije	27
6.4. Određivanje posebne stavke prihoda od oduzete imovine	29
7. STVARANJE FINANSIJSKIH PREDUVJETA ZA RAD AGENCIJE	29

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), a u vezi s čl. 17. i 18. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14), te Zaključka Vlade Federacije Bosne i Hercegovine o davanju saglasnosti na Plan rada Federalne agencije za upravljanje oduzetom imovinom za 2017. godinu V. broj: 127/2017 od 27.01.2017. godine, direktor Federalne agencije za upravljanje oduzetom imovinom Vladi Federacije Bosne i Hercegovine p o d n o s i

I Z V J E Š T A J

O RADU I FINANSIJSKO-MATERIJALNOM POSLOVANJU FEDERALNE AGENCIJE ZA UPRAVLJANJE ODUZETOM IMOVINOM ZA PERIOD 01.01 – 30.06.2017. GODINE

1. UVOD

Federalna agencija za upravljanje oduzetom imovinom (u daljem tekstu: Agencija) nezavisna je i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14).

Propisi u Federaciji Bosne i Hercegovine koji definiraju ovu oblast, a samim tim utječu na rad Agencije, osim navedenog Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14 - u daljnjem tekstu: Zakon), jesu: Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05 i 42/10), Zakon o izvršnom postupku Federacije Bosne i Hercegovine („Službene novine Federacije BiH“, br. 32/03 i 33/06) i Pravilnik o postupku prodaje, najma, čuvanja i održavanja oduzete imovine („Službene novine Federacije BiH“, broj 5/16).

Pitanja koja se odnose na izvršenje novčanih kazni, sankcija za privredne presteupe, prekršajnih sankcija i mjera sigurnosti, a koja nisu regulisana Zakonom o izvršenju krivičnih sankcija u Federaciji Bosne i Hercegovine („Službene novine Federacije BiH“, br. 44/98, 42/99 i 12/09), uređena su kantonalnim zakonima.

Na osnovu navedenih zakona, Agencija preuzima i upravlja oduzetom imovinom nezakonito stečenom krivičnim djelom.

Agencija je samostalna federalna upravna organizacija koja ima svojstvo pravnog lica.

Zakon je utvrdio da je sjedište Agencije u Sarajevu.

U okviru svoje nadležnosti Agencija ima javna ovlaštenja za donošenje podzakonskih akata kojima se uređuje način djelovanja Agencije, pa je na osnovu tog ovlaštenja Agencija donijela Odluku o utvrđivanju kriterija obračuna troškova čuvanja i održavanja privremeno oduzete imovine („Službene novine Federacije BiH“, broj 60/16), Uputstvo o načinu provođenja postupka javnog nadmetanja prodaje trajno oduzete imovine („Službene novine Federacije BiH“, broj 57/16) i Uputstvo o

uspostavi, vrsti i sadržaju evidencija o upravljanju i raspolaganju nezakonito stečenom imovinom krivičnim djelom („Službene novine Federacije BiH“, broj 2/17).

Na radnopravni status osoba zaposlenih u Agenciji primjenjuju se odredbe Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06 i 4/12), Zakona o namještenicima u Federaciji Bosne i Hercegovine („Službene novine Federacije BiH“, broj 49/05), Zakona o radu („Službene novine Federacije BiH“, broj 26/16) i Kolektivni ugovor za službenike organa uprave i sudske vlasti u Federaciji Bosne i Hercegovine (Službene novine Federacije BiH, br. 23/00, 50/00, 97/13, 18/16 i 89/16).

2. NADLEŽNOST AGENCIJE

Nadležnosti Agencije utvrđene su članom 30. Zakona i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručna edukacija iz područja finansijskih istraga i oduzimanja imovinske koristi pribavljene krivičnim djelom i
- obavljanje i drugih poslova propisanih Zakonom.

Agencija u provođenju svojih nadležnosti obavlja sljedeće poslove:

- skladišti, čuva, prodaje, vrši najam imovine oduzete na osnovu Zakona. Ako za to postoji opravdana potreba, ovu imovinu Agencija može povjeriti na čuvanje drugoj instituciji o čemu se zaključuje poseban ugovor;
- vrši stručnu procjenu vrijednosti privremeno oduzete i oduzete imovine po odredbama ovog i drugih zakona;
- vodi evidencije o imovini kojom raspolaže i upravlja, sudskim postupcima u kojima se odlučuje o takvoj imovini;
- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, s ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- prikuplja informacije iz sudskih registara, Porezne uprave, Registra vrijednosnih papira i drugih javnih registara koji se tiču vlasništva nad imovinom;
- vrši analize i procjene rizika s ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- objavljuje redovne i godišnje izvještaje o stanju u oblasti oduzimanja imovinske koristi pribavljene krivičnim djelom, te ih dostavlja Vladi Federacije Bosne i Hercegovine (u daljem tekstu: Vlada Federacije) i Parlamentu Federacije Bosne i Hercegovine (u daljem tekstu: Parlament Federacije);
- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom;
- inicira i daje preporuke za unapređenje pravnih propisa u oblasti provođenja finansijskih istraga i oduzimanja imovinske koristi pribavljene krivičnim djelom;

- sačinjava prijedlog Strategije za oduzimanje imovinske koristi pribavljene krivičnim djelom u Federaciji Bosne i Hercegovine (u daljem tekstu: Strategija) i Akcionog plana za njeno izvršenje, te ih upućuje Vladi Federacije i Parlamentu Federacije na usvajanje;
- koordinira i prati provođenje Strategije i Akcionog plana, te daje mišljenja i preporuke za njihovo efikasnije provođenje i
- u saradnji s drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi s finansijskim istragama i oduzimanjem imovinske koristi pribavljene krivičnim djelom.

Agencija poslove iz svoje nadležnosti obavlja samostalno u granicama ovlaštenja utvrđenih Zakonom i drugim propisima, te u okviru raspoloživih finansijskih sredstava i odobrenog broja izvršilaca od strane Vlade Federacije.

3. RUKOVOĐENJE I ORGANIZACIJA AGENCIJE

Rukovođenje Agencijom utvrđeno je u članu 26. stav (2) i (3) Zakona, dok su ovlasti direktora, poslovi organizacionih jedinica i ostala pitanja vezana za organizaciju, upravljanje i rukovođenje organizacionim jedinicama utvrđeni Pravilnikom o unutrašnjoj organizaciji Federalne agencije za upravljanje oduzetom imovinom na koji je Vlada Federacije dala saglasnost Odlukom V. broj: 1208/2016 od 08.06.2016. godine („Službene novine Federacije BiH“, broj 46/16), kao i drugim pravilnicima i aktima koji se odnose na radne odnose i cjelokupno funkcionisanje Agencije.

U ovom izvještajnom periodu, Vlada Federacije je na 96. sjednici, održanoj dana 23.03.2017. godine donijela Uredbu o prestanku važenja Uredbe o izmjenama i dopunama uredbe o načelima za utvrđivanje unutrašnje organizacije federalnih organa uprave i federalnih upravnih organizacija („Službene novine Federacije BiH“, broj 23/17), kojom je ukinuta Uredba o izmjenama i dopunama Uredbe o načelima za utvrđivanje unutrašnje organizacije federalnih organa uprave i federalnih upravnih organizacija („Službene novine Federacije BiH“, broj 9/16) i utvrđeno da svi pravilnici o unutrašnjoj organizaciji federalnih organa uprave i federalnih upravnih organizacija, na koje je Vlada Federacije dala saglasnost, prestaju da važe u skladu s Presudom Ustavnog suda Federacije Bosne i Hercegovine broj U-13/16 od 07.12.2016. godine („Službene novine Federacije BiH“, broj 9/17), te će se u skladu s istim primjenjivati raniji pravilnici o unutrašnjoj organizaciji.

Postupajući u skladu s navedenim podzakonskim aktom, u prvoj polovini 2017. godine postojeća organizacija Agencije i proces rukovođenja usaglašeni su s istim i vraćen je na snagu Pravilnik o unutrašnjoj organizaciji Federalne agencije za upravljanje oduzetom imovinom na koji je Vlada Federacije dala saglasnost Odlukom V. broj: 1092/2015 od 27.08.2015. godine („Službene novine Federacije BiH“, broj 68/15).

3.1. Rukovođenje

Po Pravilniku o unutrašnjoj organizaciji Federalne agencije za upravljanje oduzetom imovinom, rukovodna radna mjesta su:


- direktor Agencije;
- sekretar Agencije;
- pomoćnik direktora u Sektoru za preuzimanje i upravljanje oduzetom imovinom;
- pomoćnik direktora u Sektoru za analitičko-strateške poslove;
- pomoćnik direktora u Sektoru za edukaciju;
- pomoćnik direktora u Sektoru za pravne i opće poslove i
- pomoćnik direktora u Sektoru za materijalno-finansijske poslove.

U ovom izvještajnom periodu jedino popunjeno rukovodno radno mjesto je direktor Agencije, koji rukovodi radom Agencije i vrši poslove utvrđene članom 28. Zakona.

3.2. Organizacija


Pravilnikom o unutrašnjoj organizaciji Agencije, predviđeno je da poslove i zadatke izvršava 40 uposlenika, organizovanih u pet organizacionih jedinica i to:

1. Sektor za preuzimanje i upravljanje oduzetom imovinom;
2. Sektor za analitičko-strateške poslove;
3. Sektor za edukaciju;
4. Sektor za pravne i opće poslove i
5. Sektor za materijalno-finansijske poslove.



Grafikon 1: Organizaciona shema Agencije

Na kraju izvještajnog perioda poslove i zadatke u Agenciji obavlja 12 uposlenih, što je 23 % od ukupnog broja sistematizovanih radnih pozicija.



Grafikon 2: Procenat uposlenih u Agenciji


Svi poslovi iz nadležnosti Agencije koji su izvršeni u izvještajnom periodu obavljani su unutar navedenih organizacionih jedinica s raspoloživim brojem uposlenika, kao i nastavkom uspostavljenih ugovornih odnosa s kvalificiranim fizičkim licima.

4. UPRAVLJANJE ODUZETOM IMOVINOM


4.1. Postupanje Agencije po odlukama nadležnih sudova

U periodu januar - juni 2017. godine, Agencija je postupala po 11 sudskih odluka, od toga sedam presuda i četiri rješenja.

Trenutno Agencija upravlja imovinom vrijednom cca. devet miliona konvertibilnih maraka, a radi se o oduzetim novčanim sredstvima, dionicama, nekretninama, hotelu, studentskom domu, benzinskoj pumpi, motornom vozilu, građevninskom materijalu i drugo.



Grafikon 3: Vrsta oduzete imovine



Grafikon 4 - Struktura preuzete imovine kojom upravlja Agencija

4.2. Predmeti u radu

Agencija je u periodu od 01.01.2017. godine do 30.06.2017. godine postupala po 11 sudskih odluka od čega sedam presuda i četiri rješenja o određivanju privremenih mjera. Jedna sudska odluka, odnosno Rješenje o produžavanju privremenih mjera je dostavljeno Agenciji u svrhu izrade analitičkih izvještaja, bez obaveze Agencije za postupanje po istom.

U daljem tekstu izvještaja hronološki su predstavljene aktivnosti preduzete od strane Agencije po zaprimljenim sudskim odlukama:

1. Presuda Kantonalnog suda u Novom Travniku, datum zaprimanja 24.11.2016. godine

Dana 24.11.2016. godine Agencija je zaprimila Presudu Kantonalnog suda u Novom Travniku br. 06 0 K 007444 15 K od 11.06.2015. godine, pravosnažna s danom 21.01.2016. godine.

Predmetnom presudom, od osuđenih lica, u skladu sa članom 114. KZ u FBiH solidarno je oduzeta imovinska korist stečena krivičnim djelom. Riječ je o novčanom iznosu od 990,00 KM. Presuda je ostala nedorečena u pogledu karaktera oduzimanja predmetnog novčanog iznosa, odnosno da li je predmetni novac fizički oduzet od osuđenih lica i deponovan u sudu ili je riječ o imovinskoj koristi koju su osuđeni dužni uplatiti u budžet Federacije Bosne i Hercegovine. Povodom toga održan je sastanak u prostorijama Kantonalnog suda u Novom Travniku gdje se raspravljalo o datoj problematici i postupanju suda po Zakonu, kao i o uspostavljanju prakse suda u sličnim slučajevima. Nakon zaprimanja odgovora da je riječ o imovinskoj koristi

predmetna presuda proslijeđena je Federalnom pravobranilaštvu na dalje zakonsko postupanje, odnosno pokretanje izvršenja na imovini osuđenih s ciljem naplate prethodno navedenog novčanog iznosa, koje bi se provelo prodajom imovine osuđenih te uplatom sredstava dobijenih od prodaje imovine u izvršnom postupku, u budžet Federacije Bosne i Hercegovine.

2. Presuda Kantonalnog suda u Sarajevu, datum zaprimanja 13.12.2016. godine

Dana 13.12.2016 godine Agencija je zaprimila Presudu Kantonalnog suda u Sarajevu br. 09 0 K 021547 16 K 2 od 12.12.2016. godine, a dana 09.01.2017. godine presudu, broj i datum prethodno navedeni, ali sa klauzulom pravosnažnosti od dana 05.01.2017. godine

Predmetnom presudom su, na osnovu člana 10. i 11. Zakona, od osuđenog lica trajno oduzete dionice upisane u Registru vrijednosnih papira u Federaciji Bosne i Hercegovine koje su, istom presudom, postale vlasništvo Federacije Bosne i Hercegovine. Nakon zaprimanja Zaključka Vlade Federacije broj: 243/2017 od 16.02.2017. godine kojim je Vlada Federacije dala ovlaštenje da se oduzete dionice prenesu na Agenciju radi upravljanja, te u konačnici prodaje istih Agencija je dostavila Registru vrijednosnih papira Federacije Bosne i Hercegovine pravosnažnu presudu, kao i zaključak Vlade Federacije, kako bi Registar vrijednosnih papira Federacije Bosne i Hercegovine mogao preduzeti odgovarajuće radnje radi prenosa predmetnih dionica na Agenciju radi daljeg postupanja. Registar vrijednosnih papira je, postupajući u skladu s zakonskom regulativom, izvršio prenos vlasništva nad predmetnim dionicama u korist Agencije. Navedenom radnjom stekli su se uslovi da Agencija u skladu sa Zakonom, ali i prethodno spomenutim Zaključkom Vlade Federacije, upravlja predmetnim dionicama, te kad se steknu uslovi, proda iste, kako bi se dobijena vrijednost od prodaje mogla uplatiti u budžet Federacije Bosne i Hercegovine. U tu svrhu, Agencija je zaključila s bankom - brokerom Opći ugovor o posredovanju s vrijednosnim papirima, Ugovor o obavljanju poslova banke/skrbnika i Ugovor o obavljanju poslova investicijskog savjetovanja koji će ubuduće skrbiti nad dionicama Agencije te izvršiti prodaju istih.

3. Rješenje Kantonalnog suda u Sarajevu, datum zaprimanja: 13.01.2017. godine

Dana 13.01.2017. godine Agencija je zaprimila Rješenje Kantonalnog suda u Sarajevu br. 09 0 K 026779 16 Kps od 12.01.2017. godine. Predmetnim Rješenjem prema optuženim licima izrečene su privremene mjere osiguranja imovinske koristi pribavljene krivičnim djelom i to zabrana otuđenja i opterećenja udjela - osnivačkog kapitala i korištenje i raspolaganje pravima po osnovu udjela - osnivačkog kapitala privrednih društava UMAX GROUP d.o.o. Sarajevo, Emiran d.o.o. Sarajevo i Emiran Studentski dom - Univerzitetski hotel d.o.o. Sarajevo. Optužena lica su jedini osnivači i 100% vlasnici navedenih pravnih lica. Upravljanje navedenim pravnim licima povjereno je Agenciji. Privremene mjere traju godinu dana od dana donošenja Rješenja, te eventualno izjavljena žalba ne odlaže izvršenje rješenja.

Postupanje Agencije u pogledu izvršavanja prethodno spomenutog Rješenja bit će predstavljeno pojedinačno po privrednim subjektima čije upravljanje je povjereno Agenciji, i to kako slijedi:

I - UMAX GROUP d.o.o. Sarajevo

Po prijemu Rješenja Kantonalnog suda u Sarajevu br. 09 0 K 026779 16 Kps od 12.01.2017. godine kojim je povjereno upravljanje nad pravnim licem UMAX GROUP d.o.o. Sarajevo Agenciji, Agencija je angažovala vještaka ekonomske struke koji je izvršio vještačenje pravnog lica UMAX GROUP d.o.o. Sarajevo. Uporedo s radom vještaka službenici Agencije izvršili su popis osnovnih sredstava pravnog lica UMAX GROUP d.o.o. Sarajevo, sačinili popisne liste, te dodijelili inventurne brojeve osnovnim sredstvima. Popisne liste sastavni su dio sačinjenog zapisnika. Također o navedenom je napravljena i prateća fotodokumentacija. Nakon dostave nalaza vještaka, Agencija je imenovala zastupnika državnog kapitala u pravnom licu UMAX GROUP d.o.o. Sarajevo kako bi mogla na posredan način upravljati predmetnim privrednim društvom odnosno provesti Rješenje o privremenoj mjeri. Izvršen je upis zastupnika državnog kapitala u Registar odjeljenja za upis pravnih lica Općinskog suda u Sarajevu. Također, zatražen je od Ministarstva unutrašnjih poslova Kantona Sarajevo obilazak imovine društva UMAX GROUP d.o.o. Sarajevo kao jedan vid osiguranja, odnosno sprečavanja radnji kojima bi se eventualno mogla nanijeti imovinska ili druga šteta.

Od momenta povjeravanja privrednog subjekta Agenciji na privremeno upravljanje, u skladu sa zakonskim određenjem, Agencija s "pažnjom dobrom domaćina" upravlja privrednim subjektom te koliko god je to moguće nastoji da ga učini profitabilnim i stabilnim.

S ciljem kontrole rada privremenog upravnika, odnosno zastupnika državnog kapitala, isti je obavezan dostavljati redovne mjesečne izvještaje o poslovanju, a kako bi Agencija bila upućena u rad privrednog subjekta, u prostorijama Agencije održavaju se redovni sastanci sa zastupnikom državnog kapitala na kojima isti izlaže rezultate poslovanja privrednog subjekta, probleme s kojima se susreće te potrebu za direktnim angažmanom Agencije u određenoj problematici. Također, službenici Agencije vrše redovne posjete privrednom subjektu UMAX GROUP d.o.o. Sarajevo kako bi se na licu mjesta, u razgovoru sa zastupnikom državnog kapitala, te uposlenicima privrednog subjekta, informisali o radu privrednog subjekta, te eventualnim problemima s kojima se isti susreću.

II - Emiran d.o.o. Sarajevo; III - Emiran Studentski dom - Univerzitetski hotel d.o.o. Sarajevo

Izvještaj o upravljanju pravnim licima Emiran d.o.o. Sarajevo i Emiran Studentski dom - Univerzitetski hotel d.o.o. Sarajevo bit će prezentovan u jednoj cjelini jer se radi o dva povezana pravna lica.

Po prijemu Rješenja Kantonalnog suda u Sarajevu br. 09 0 K 026779 16 Kps od 12.1.2017. godine kojim je povjereno upravljanje nad pravnim licima Emiran d.o.o. Sarajevo i Emiran Studentski dom - Univerzitetski hotel d.o.o. Sarajevo Agenciji, Agencija je angažovala vještaka ekonomske struke koji je izvršio vještačenje pravnih

lica Emiran d.o.o. Sarajevo i Emiran Studentski dom - Univerzitetski hotel d.o.o. Sarajevo. Uporedo s radom vještaka službenici Agencije izvršili su popis osnovnih sredstava navedenih pravnih lica, sačinili su popisne liste, te dodijelili inventurne brojeve osnovnim sredstvima. Popisne liste su sastavni dio sačinjenog zapisnika. Također, o navedenom je napravljena i prateća fotodokumentacija. Nakon dostave nalaza vještaka, Agencija je imenovala zastupnika državnog kapitala u prethodno navedenim pravnim licima kako bi mogla na posredan način upravljati predmetnim privrednim društvom, odnosno provesti Rješenje o privremenoj mjeri. Izvršen je upis zastupnika državnog kapitala u Registar odjeljenja za upis pravnih lica Općinskog suda u Sarajevu. Također, zatražen je od Ministarstva unutrašnjih poslova Kantona Sarajevo obilazak imovine pravnih lica kao jedan vid osiguranja, odnosno sprečavanja radnji kojima bi se eventualno mogla nanijeti imovinska ili druga šteta.

Osnovni cilj Agencije od samog početka preuzimanja hotela bio je uspostavljanje organizacije, racionalna raspodjela resursa kako bi hotel nastavio s normalnim poslovanjem. Slijedeći politiku Vlade Federacije, Agencija je zadržala radna mjesta u povjerenim joj privrednim subjektima.

Rukovodeći se načelom "pažnje dobrog domaćina", Agencija je učinila povjerene joj privredne subjekte profitabilnim i stabilnim. Zaključen je Ugovor o pružanju usluga smještaja studenata s Američkim univerzitetom u Bosni i Hercegovini čime se direktno utjecalo na rast broja gostiju predmetnog hotela i stvaranju pretpostavki za uspješan rad privrednog subjekta tokom trajanja privremene mjere.

S ciljem kontrole rada privremenog upravnika, odnosno zastupnika državnog kapitala, isti je obavezan dostavljati redovne mjesečne izvještaje o poslovanju, a kako bi Agencija bila upućena u rad privrednog subjekta, u prostorijama Agencije održavaju se redovni sastanci sa zastupnikom državnog kapitala na kojima isti izlaže rezultate poslovanja privrednog subjekta, probleme s kojima se susreće te potrebu za direktnim angažmanom Agencije u određenoj problematici. Također, službenici Agencije vrše redovne posjete privrednim subjektima kojima privremeno upravlja kako bi se na licu mjesta, u razgovoru sa zastupnikom državnog kapitala te uposlenicima privrednog subjekta, informisali o radu privrednog subjekta te eventualnim problemima s kojima se isti susreću.

4. Rješenje Kantonalnog suda u Sarajevu, datum zaprimanja: 13.01.2017. godine

Dana 13.01.2017. godine Agencija je zaprimila Rješenje Kantonalnog suda u Sarajevu br. 09 0 K 026779 16 Kps od 12.01.2017. godine. Predmetnim Rješenjem prema optuženom licu određena je privremena mjera osiguranja imovinske koristi pribavljene krivičnim djelom i to zabrana otuđenja, skrivanja ili raspolaganja pokretnom imovinom, putničkim motornim vozilom marke BMW X6, čija kupoprodajna vrijednost prema računu iznosi 140.827,86 KM. Istim rješenjem određeno je oduzimanje predmetnog motornog vozila i njegovo povjeravanje Agenciji na čuvanje i upravljanje. Privremena mjera traje godinu dana od dana donošenja rješenja, a eventualno izjavljena žalba ne odlaže izvršenje Rješenja. S obzirom na to da je predmetno Rješenje bilo neprovodivo zbog više razloga, od kojih je ključni to što je oduzimanje motornog vozila povjereno Agenciji, a Agencija, u skladu sa Zakonom nema operativne nadležnosti, to je Agencija zatražila od nadležnog suda

donošenje provodivog Rješenja. Izmjenama Rješenja stvorene su pretpostavke za postupanje Agencije u konkretnom slučaju, odnosno određeno je da će privremenu mjeru zabrane otuđenja, skrivanja, opterećenja ili raspolaganja motornim vozilom provesti MUP Kantona Sarajevo, a oduzimanje istog od optuženog lica Sudska policija Federacije Bosne i Hercegovine. Nakon preuzimanja vozila izvršena je primopredaja istog između pripadnika Sudske policije Federacije Bosne i Hercegovine i službenika Agencije. Istog dana izvršen je tehnički pregled motornog vozila koje je uskladišteno u skladište Agencije. Napravljena je fotodokumentacija, a u narednom periodu i redovni pregledi ispravnosti motornog vozila.

5. Presuda Kantonalnog suda u Tuzli, datum zaprimanja 22.03.2017. godine

Dana 22.03.2017. godine Agencija za upravljanje oduzetom imovinom zaprimila je Presudu Kantonalnog suda u Tuzli br. 03 0 K 011879 14 K od 19.12.2014. godine, pravosnažna s danom 14.07.2015. godine.

Predmetnom presudom, od osuđenih lica, u skladu sa članom 114. KZ FBiH i članom 417. ZKP FBiH oduzeta je imovinska korist stečena krivičnim djelom i to pokretne stvari i građevinski materijal. Agencija je dopisom suda obaviještena da se pokretne stvari nalaze na depou MUP-a TK Lukavac, a građevinski materijal na depou preduzeća TTU Tuzla. Službenici Agencije izvršili su primopredaju predmetnih pokretnih stvari zajedno sa službenicima PU Lukavac, te su predmetne stvari transportovali u skladište Agencije u Rakovici. Građevinski materijal koji je presudom oduzet od osuđenih lica, ostao je na depou privrednog društva TTU Tuzla jer su troškovi transporta predmetnog građevinskog materijala nesrazmjerni eventualnom profitu koji bi se mogao ostvariti prodajom istog.

S obzirom na prethodno navedeno, a kako je riječ o trajno oduzetoj imovini koja je postala vlasništvo Federacije Bosne i Hercegovine, Agencija je u skladu sa svojim zakonskim ovlaštenjima i obavezama, pokrenula proceduru prodaje preuzetih stvari. Formirana je Komisija za prodaju trajno oduzete imovine te je, u skladu sa Zakonom, izvršena interna procjena predmetnih pokretnih stvari i građevinskog materijala. Na osnovu Zakona oglasene su prodaje preuzetih stvari i građevinskog materijala, međutim zainteresiranih lica nije bilo. Ukoliko se u narednom periodu oduzete stvari i građevinski materijal prodaju, sredstva dobijena prodajom će biti uplaćena u korist budžeta Federacije Bosne i Hercegovine, a ako se imovina ne bude mogla prodati, Agencija će, u skladu sa Zakonom, predložiti Vladi Federacije donošenje odgovarajuće odluke o poklonu ili uništenju predmetne imovine.

Kako je dio preuzete robe takvog karaktera koje ne dozvoljava dalju prodaju, poput mesnih proizvoda, ribljih proizvoda, duhana, alkohola i sličnog, a kako se radi o robi bez ikakve finansijske vrijednosti koja s vremenom propada, poput mesnih i ribljih proizvoda, donesena je Odluka o uništenju predmetne lako kvarljive robe. Uništenje iste je, u suradnji s KJKP Rad provedeno na odlagalištu kućnog otpada Smiljevići u Sarajevu o čemu je sačinjena službena zabilješka i odgovarajuća fotodokumentacija.

6. Presuda Kantonalnog suda u Sarajevu, datum zaprimanja 18.04.2017. godine

Dana 18.04.2017. godine Agencija je zaprimila nepravosnažnu Presudu Kantonalnog suda u Sarajevu br. 09 0 K 024765 16 K od 03.04.2017. godine.

Predmetnom presudom, od osuđenih lica, u skladu sa članom 114. stav (1) i (2) i članom 115. stav (1) KZ FBiH oduzeta je imovinska korist stečena krivičnim djelom u ukupnom iznosu od 1.130,00 KM i 350,00 EUR. Kako je riječ o nepravosnažnoj presudi, Agencija još uvijek ne može po istoj postupati. Po pravosnažnosti presude, službenici Agencije će izvršiti primopredaju navedenog novca, te izvršiti uplatu istog u korist budžeta Federacije Bosne i Hercegovine.

7. Rješenje Kantonalnog suda u Sarajevu, datum zaprimanja 25.04.2017. godine

Dana 25.04.2017. godine Agencija je zaprimila Rješenje Kantonalnog suda u Sarajevu br. 09 0 K 026508 17 Kpp 182 od 24.04.2017. godine. U skladu sa Zakonom, eventualno izjavljena žalba na Rješenje o određivanju privremene mjere ne odlaže izvršenje istog, tako da su službenici Agencije proveli izvršenje Rješenja u skladu sa Zakonom.

Predmetnim Rješenjem određene su privremene mjere osiguranja imovinske koristi pribavljene krivičnim djelom iz člana 17. stav (2) tačka a) i d) Zakona i to zabrana otuđenja i opterećenja nekretnine i stvarnih prava upisanih na nekretnini koja se vodi u zemljišnim knjigama Općinskog suda u Sarajevu. Ista nekretnina je predmetnim rješenjem oduzeta i povjerena na čuvanje i upravljanje Agenciji. Zabilježbu o navedenom, a na osnovu rješenja, dužan je provesti zemljišno-knjižni ured Općinskog suda u Sarajevu. Također, Rješenjem je naloženo Sudskoj policiji Federacije Bosne i Hercegovine - Odjeljenje sudske policije Kantona Sarajevo, da pruži asistenciju Agenciji prilikom provedbe predmetnog Rješenja, odnosno fizičkog preuzimanja nekretnine, tj. ulaska u posjed. Nadalje, a s obzirom da predmetnu nekretninu na osnovu Ugovora o zakupu koristi pravno lice Amoniq d.o.o. Zenica, nadležni sud je odredio da u ugovorni odonos s Agencijom kao privremenim upraviteljem predmetne nekretnine, stupi društvo Amoniq d.o.o. Zenica koji je s prethodnim vlasnikom, kao i osumnjičenim imao sklopljen Ugovor o zakupu.

Službenici Agencije za upravljanje oduzetom imovinom su uz asistenciju Sudske policije Federacije Bosne i Hercegovine izvršili fizičko preuzimanje predmetne nekretnine, odnosno ušli su u posjed iste, što je i kroz zapisnik konstatovano. S zakupcem Amoniq d.o.o. Zenica potpisan je Ugovor o zakupu, a zakupnina se plaća na račun Agencije koji je otvoren za posebne namjene. Predmetni novčani iznos će po okončanju postupka, ovisno o vrsti i karakteru presude, ili biti uplaćen u korist budžeta Federacije Bosne i Hercegovine ili vraćen osumnjičenom.

8. Presuda Općinskog suda u Tuzli, datum zaprimanja 04.05.2017. godine

Dana 04.05.2017. godine Agencija je zaprimila Presudu Općinskog suda u Tuzli br. 32 0 K 287790 16 K od 18.04.2017. godine, pravosnažna s danom 12.05.2017. godine.

Predmetnom presudom, od osuđenog lica, u skladu s članom 114. KZ FBiH oduzeta je imovinska korist stečena krivičnim djelom u iznosu od 800,00 KM. Predmetni novčani iznos je preuzet i uplaćen u korist budžeta Federacije Bosne i Hercegovine. Navedenom radnjom predmetna presuda je provedena do kraja čime je, u konkretnom slučaju, postignuta svrha Zakona.

9. Rješenje Kantonalnog suda u Sarajevu, datum zaprimanja 19.05.2017. godine

Dana 19.05.2017. godine Agencija je zaprimila Rješenje Kantonalnog suda u Sarajevu br. 09 0 K 026343 17 Kps od 19.05.2017. godine. U skladu sa Zakonom, eventualno izjavljena žalba na Rješenje o određivanju privremene mjere ne odlaže izvršenje istog, tako da su službenici Agencije proveli izvršenje Rješenja u skladu sa Zakonom.

Predmetnim Rješenjem određene su, prema svakom od prethodno navedenih osumnjičenih lica, odgovarajuće privremene mjere osiguranja imovinske koristi pribavljene krivičnim djelom, dok je Agencija predmetnim Rješenjem određena da provede privremenu mjeru prema jednom od osumnjičenih. U pogledu osumnjičenog lica, sud je odredio privremenu mjeru osiguranja imovinske koristi pribavljene krivičnim djelom i to na osnovu člana 17. stav (2) tačka c) Zakona koja se ogleda o oduzimanju gotovog novca u iznosu od 47.520,00 KM od osumnjičenog i predavanjem istog novca Agenciji. Predmetna mjera osiguranja traje jednu godinu od dana donošenja ili do druge odluke suda.

U skladu s navedenim Rješenjem, službenici Agencije su izvršili primopredaju predmetnog novca te uplatu istog u Union banci d.d. Sarajevo na račun za posebne namjene kojim raspolaže Agencija, a sve u skladu sa Zakonom.

10. Presuda i Rješenje Općinskog suda u Zenici, datum zaprimanja 23.05.2017. godine

Dana 23.05.2017. godine Agencija je zaprimila Presudu Općinskog suda u Zenici br. 43 0 K 135584 16 K 7 od 22.12.2016. godine, pravosnažna s danom 21.01.2017. godine i Rješenje istog suda, br. 43 0 K 135584 16 K 7 od 21.03.2017. godine, pravosnažno s danom 27.03.2017. godine.

Predmetnom presudom i rješenjem od osuđene je, u skladu sa članom 114. stav (2) KZ FBiH, oduzeta imovinska korist stečena krivičnim djelom. Riječ je o oduzetom gotovom novcu i to ukrajinskim grivama u ukupnom iznosu od 2.862,00 grive. Predmetni novac je deponovan u sefu Agencije, s krajnjim ciljem uplate istog u budžet Federacije Bosne i Hercegovine, u skladu sa Zakonom. Da bi se uplata predmetnog novca izvršila u budžet Federacije Bosne i Hercegovine, isti se mora konvertovati u domaću valutu. Agencija je u tom pravcu preduzela odgovarajuće aktivnosti kako bi se sudska presuda provela do kraja. S navedenim ciljem, Agencija je ostvarila kontakte s nizom finansijskih institucija koje posluju u Federaciji Bosne i

Hercegovine poput komercijalnih banaka, mjenjačnica, te Centralne banke Bosne i Hercegovine, no nijedna od navedenih finansijskih institucija, postupajući po zakonskim propisima koji regulišu oblast finansijskog poslovanja, nije u mogućnosti izvršiti konverziju ukrajinske valute u domaću valutu ili u neku od valuta koja bi se mogla uplatiti na devizni račun. Odgovori koje smo dobili koji bi mogli riješiti problem uplate navedenog novca u budžet pomogli bi realizaciji navedenog cilja, no trošak realizacije (slanje vrijednosne pošiljke u Ukrajinu ili transport novca u Ukrajinu) bio bi nesrazmjeran vrijednosti koja bi se u konačnici mogla uplatiti u budžet Federacije Bosne i Hercegovine. Također, kontaktiran je i počasni konzul Bosne i Hercegovine u Ukrajini s ciljem rješavanja navedene problematike, no odgovora od istog Agencija još nije zaprimila. U ovom momentu, zbog male vrijednosti predmetnog novca, a prevelikog troška moguće konverzije istog, isti je i dalje deponovan u sefu Agencije.

11. Presuda Općinskog suda u Tešnju, datum zaprimanja 26.05.2017. godine

Dana 26.05.2017. godine Agencija je zaprimila Presudu Općinskog suda u Tešnju br. 39 0 K 044573 16 K od 9.2.2017. godine, pravosnažna s danom 07.04.2017. godine.

Predmetnom presudom od osuđene je, u skladu sa članom 114. stav (1) i članom 115. KZ FBiH u vezi s članom 300. stav (1) tačka e) ZKP FBiH, oduzeta imovinska korist stečena krivičnim djelom. Riječ je o novčanom iznosu od 19.886,00 KM koji je osuđena dužna uplatiti u korist budžeta Federacije Bosne i Hercegovine u roku od 30 dana od dana pravosnažnosti presude. S obzirom na zakonsku mogućnost da osuđena dobrovoljno u određenom roku izvrši uplatu predmetnog iznosa u budžet Federacije Bosne i Hercegovine, a kako Agencija s danom zaprimanja navedene presude nije zaprimila obavještenje da li je presuda u djelu uplate novčanog iznosa dobrovoljno izvršena, to je zatražen odgovor od suda da li je osuđena izvršila u ostavljenom roku dobrovoljnu uplatu novca. Kako Agencija nije zaprimila odgovor, naknadno je sudu upućena i urgencija.

Po zaprimanju odgovora od Općinskog suda u Tešnju, te ukoliko u istom bude sadržana informacija da osuđena nije izvršila dobrovoljnu uplatu predmetnog novčanog iznosa u budžet Federacije Bosne i Hercegovine, Agencija će u skladu s članom 24. stav (1) Zakona, dostaviti predmetnu presudu Federalnom pravobranilaštvu na dalje nadležno postupanje, odnosno pokretanje izvršenja na imovini osuđene s ciljem naplate prethodno navedenog novčanog iznosa, koje bi se provelo prodajom imovine osuđene, te uplatom sredstava dobijenih od prodaje imovine u izvršnom postupku, u budžet Federacije Bosne i Hercegovine.

SUDSKE ODLUKE ZAPRIMLJENE U SVRHU INFORMISANJA

Agenciji je dostavljena jedna sudska odluka, odnosno Rješenje o produžavanju privremene mjere osiguranja imovinske koristi pribavljene krivičnim djelom i to Rješenje Kantonalnog suda u Sarajevu br. 09 0 K 019389 17 Kv 4 od 18.04.2017. godine, zaprimljena dana 26.04.2017. godine. Predmetnim rješenjem određene su privremene mjere koje u skladu sa Zakonom provode drugi organi, a ne Agencija. Riječ je o privremenim mjerama zabrane otuđenja ili opterećenja nekretnina ili stvarnih prava upisanih na nekretninama, uz zabilježbu zabrane u zemljišnim knjigama kao i blokade bankovnih računa. Predmetne mjere će u skladu sa

Rješenjem suda, provesti zemljišno-knjižni ured nadležnog suda, te finansijske institucije, odnosno banke u kojima optužena lica imaju otvorene bankovne račune.

5. STRATEŠKI CILJEVI

Koncept Godišnjeg Plana rada Agencije za 2017. godinu usmjeren je prema pitanjima koja se odnose na jačanje unutrašnjeg organizacionog i kadrovskeg ustroja Agencije i nastojanja da na nivou Federacije Bosne i Hercegovine ostvari još tješnju saradnju s pravosudnim organima, policijskim agencijama i drugim institucijama koje imaju za obavezu da postupaju po Zakonu o oduzimanju nezakonito stečene imovine krivičnim djelom u Federaciji Bosne i Hercegovine.

Agencija je, u okviru svojih zakonskih ovlasti i obaveza i učinkovitog izvršavanja povjerenih poslova, u sklopu planiranih strateških ciljeva za 2017. godinu realizovala sljedeće aktivnosti:

5.1. STRATEŠKI CILJ 1 - JAČANJE KAPACITETA AGENCIJE ZA UPRAVLJANJE ODUZETOM IMOVINOM

Operativni cilj 1 – Donošenje normativnih propisa za unapređenje rada Agencije

Ad 1. Na osnovu iskustava iz 2016. godine, a iz prakse drugih agencija u okruženju, uočeno je da postojeće zakonske okvire treba mijenjati u smislu postizanja svih stadija preuzimanja i upravljanja oduzetom imovinom kako bi Agencija stvarala što manje troškove u Budžetu Federacije Bosne i Hercegovine tokom procesa upravljanja.

Radi ostvarivanja tog cilja, Agencija se u više navrata pismeno i usmeno obraćala Federalnom ministarstvu pravde kao organu nadležnom za predlaganje zakonskih i podzakonskih akata iz ove oblasti.

Shvatajući potrebe Agencije za dodatnim pravnim uređenjem ove oblasti, federalni ministar pravde je donio Rješenje o imenovanju Komisije za izradu nacrta provedbenih akata iz oblasti preuzimanja i upravljanja oduzetom imovinom u Federaciji Bosne i Hercegovine broj: 02-49-796/17 od 24.04.2017. godine. Na taj način pokrenut je proces izrade provedbenih akata iz ove oblasti i stvoreni preduvjeti da se ova oblast u cijelosti uredi po evropskim standardima.

Svojim aktom broj: 01-02-113-1/2017 od 07.06.2017. godine, Agencija je predložila Federalnom ministarstvu pravde i navedenoj komisiji da bi bilo poželjno prvenstveno djelovati u pravcu:

- A) Sačinjavanja nacrta izmjena i dopuna sljedećih zakona:
 - Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14);
 - Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/05, 2/06, 8/06 i 61/06);

- Zakona o izvršnom postupku („Službene novine Federacije BiH“, br. 32/03, 52/03, 33/06, 39/06, 39/09 i 35/12);
- Zakona o sudskoj policiji („Službene novine Federacije BiH“, br. 19/96 i 37/04) i
- Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/00, 111/12 i 20/17).

B) Sačiniti prijedlog Vladi Federacije da donese niz uredbi kojima će se regulisati pojedine oblasti djelovanja Agencije, kao što su:

- Uredba o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom;
- Uredba o službenoj legitimaciji i znački uposlenika Federalne agencije za upravljanje oduzetom imovinom;
- Uredba o hitnom postupku prodaje neposrednom pogodbom oduzete imovine nezakonito stečene krivičnim djelom;
- Uredba o provođenju postupka preuzimanja oduzete imovine nezakonito stečene krivičnim djelom;
- Uredba o skladištenju oduzete imovine nezakonito stečene krivičnim djelom;
- Uredba o upravljanju imovinom nezakonito stečene krivičnim djelom;
- Uredba o uništenju imovine nezakonito stečene krivičnim djelom;
- Uredba o načinu izbora i utvrđivanju naknade za rad privremenih upravitelja oduzete imovine, stalnih sudskih vještaka, stalnih sudskih tumača i ovlaštenih procjenitelja, i druge uredbe.

Osim navedenog, Komisija bi trebala sačiniti prijedlog Odluke o utvrđivanju kriterija procjene vrijednosti trajno oduzete imovine, prijedlog Smjernica za postupanje nadležnih institucija u postupku za oduzimanje imovinske koristi pribavljene krivičnim djelom, te prijedlog Strategije za oduzimanje imovinske koristi pribavljene krivičnim djelom i Akcioni plan za njeno izvršenje.

U ovom izvještajnom periodu, Agencija je dostavila Komisiji radnu verziju Uredbe o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom, a informaciju o radu Komisije dostavit ćemo u sljedećem izvještajnom periodu.

Ad 2. Osim već sačinjenog seta pravilnika u 2015. i 2016. godini, čija je obaveza donošenja utvrđena zakonskim i podzakonskim aktima, i kojima se uspostavilo zakonito djelovanje Agencije, u prvoj polovini 2017. godine nastavljeno je s donošenjem pravilnika i drugih provedbenih akata, čije odredbe direktno utječu na rad Agencije.

Isto tako, u skladu s članom 31. stav (1) tačka j) Zakona, Agencija je pokrenula inicijativu da Komisija imenovana navedenim rješenjem federalnog ministra pravde predloži Vladi Federacije donošenje Odluke o izradi Strategije za oduzimanje imovinske koristi pribavljene krivičnim djelom u Federaciji Bosne i Hercegovini i Akcionog plana za njeno izvršenje i imenuje radnu grupu koja će sačiniti prijedlog tih dokumenata.

U izvještajnom periodu Agencija je sačinila Elaborat za preuzimanje, skladištenje i čuvanje svih vrsta motornih vozila, privremeno oduzetih odlukama sudova po odredbama Zakona o oduzimanju nezakonito stečene imovine.

Cilj predmetnog elaborata je utvrditi niz aktivnosti svih nadležnih institucija u cjelokupnom procesu postupanja s privremeno ili trajno oduzetim motornim vozilima, sa usmjerenjem prema zadovoljenju principa zakonitosti i ekonomičnosti.

Proces obuhvata period od dana oduzimanja motornog vozila, preko datuma pravosnažnosti rješenja/odluke/presude za postupanje, čuvanje, kao i vrijeme skladištenja do datuma rješavanja „sudbine“ motornog vozila, odnosno do prodaje, doniranja ili uništenja.

Navedeni Elaborat treba da služi kao stručna podloga za izradu prijedloga Uredbe o provođenju postupka preuzimanja oduzete imovine nezakonito stečene krivičnim djelom, prijedloga Uredbe o skladištenju oduzete imovine nezakonito stečene krivičnim djelom i prijedloga Uredbe o upravljanju imovinom nezakonito stečene krivičnim djelom.

Operativni cilj 2 – Razvoj i jačanje kadrovskih kapaciteta Agencije

Ad 1. U 2016. godini raspisan je javni konkurs za prijem četiri državna službenika i javni oglas za tri namještenika. Po navedenom konkursu, odnosno oglasu u 2016. godini primljen je jedan državni službenik i dva namještenika, dok je konkursna procedura za prijem ostala tri državna službenika realizovana u izvještajnom periodu. Za jednog namještenika – blagajnika nije izvršen izbor s obzirom na činjenicu da su se na javni oglas javili kandidati koji nisu posjedovali radno iskustvo iz oblasti blagajničkih poslova.

Osim navedenog, u prvom polugodištu 2017. godine Vlada Federacije je Zaključcima V. broj: 932/2016 od 15.04.2016. godine i V. broj: 245/2017 od 16.02.2017. godine dala saglasnost za raspisivanje javnog oglasa za prijem dva namještenika. Konkursna procedura po navedenim oglasima je okončana u izvještajnom periodu.

Također, Vlada Federacije je Zaključkom V. broj: 792/2017 od 01.06.2017. godine dala saglasnost za prijem pet državnih službenika u radni odnos na neodređeno vrijeme. Konkursni postupak je u toku.

Ad 2. Kako je povećan broj uposlenih u Agenciji, stvorila se potreba i za povećanjem kancelarijskog prostora, pa se Agencija obratila Vladi Federacije za rješavanje tog problema.

Vlada Federacije je na svojoj 100. sjednici od 04.05.2017. godine donijela Odluku o izmjeni Odluke o zakupu poslovnog prostora u Sarajevu za smještaj Agencije, V. broj: 659/2017 („Službene novine Federacije BiH“, broj 35/17).

Na osnovu navedene Odluke Vlade Federacije, Agencija je dana 01.06.2017. godine sa Javnim preduzećem Željeznice Federacije BiH d.o.o. Sarajevo zaključila Aneks ugovora broj 01-72-1/2016 od 01.06.2017. godine o zakupu dodatnog poslovnog prostora, površine 23.50 m², za period od tri godine, na prvom spratu krila „B“ zgrade željezničke stanice u ulici Put života broj 2, Sarajevo.

Nakon obezbjeđenja dodatnih smještajnih kapaciteta, pristupilo se opremanju istih. U skladu sa Planom javnih nabavki za 2017. godinu nabavljen je kancelarijski namještaj, čime su stvoreni dobri uvjeti za buduće djelovanje Agencije.

Ad 3. Tokom tekuće godine, na osnovu utvrđenih nastavnih i pedagoških planova i programa edukacije i obuke iz nadležnosti Agencije, Planom i programom rada Agencije za 2017. godinu planirano je održati sedam četverodnevni obuka iz oblasti finansijskih istraga i oduzimanja imovinske koristi pribavljene krivičnim djelom.

U skladu s navedenim planom i programom edukacije koji je usaglašen s Centrom za edukaciju sudija i tužilaca, planirano je obučiti i certificirati 250 polaznika. U procesu realizacije zacrtanih ciljeva u prvoj polovini godine održane su dvije obuke, i to:

- u periodu od 31.01. do 03.02.2017. godine u Konjicu je održana obuka iz oblasti jačanja lokalnih kapaciteta u Federaciji Bosne i Hercegovine u borbi protiv korupcije i teških oblika kriminala putem oduzimanja imovinske koristi pribavljene krivičnim djelom i
- u periodu od 14.03. do 17.03.2016. godine Agencija je na Vlačiću održala obuku iz oblasti jačanja lokalnih kapaciteta u Federaciji Bosne i Hercegovine u borbi protiv korupcije i teških oblika kriminala putem oduzimanja imovinske koristi pribavljene krivičnim djelom.

Na navedenim obukama 47 učesnika dobilo je certifikate o završenoj obuci od strane Agencije i Centra za edukaciju sudija i tužilaca.

Ključne aktivnosti obuke odnosile su se na edukaciju i obuke profesionalaca iz pravosudne zajednice, agencija za sprovođenje zakona u Federaciji Bosne i Hercegovine i drugih nadležnih subjekata iz Zakona. Radi se o predstavnicima institucija koje imaju zakonsku obavezu postupanja u okviru postupka za otkrivanje, osiguranje, privremeno oduzimanje, oduzimanje, izvršenje i upravljanje imovinom pribavljenom izvršenjem krivičnih djela. S obzirom na činjenicu da su obukama prisustvovali i uposleni u Agenciji, ojačani su kapaciteti Agencije jer se samo na takav način može osigurati uspostava sveobuhvatnog i efikasnog sistema za oduzimanje nezakonito stečene imovine krivičnim djelom što je jedna od preporuka iz izvještaja o napretku Bosne i Hercegovine prema Evropskoj uniji za protekle godine.

Osim ove dvije navedene obuke Centar za istraživanje politike suprostavljanja kriminalitetu (CPRC) je u oblasti jačanja lokalnih kapaciteta u Federaciji Bosne i Hercegovine u borbi protiv korupcije i teških oblika kriminala putem oduzimanja imovinske koristi pribavljene krivičnim djelom u Sarajevu u periodu od 06.02. do 08.02.2017. godine organizovao trodnevnu "TOT - obuku trenera: „Komunikacija, prezentacija i osnovne vještine treninga” na kojoj su osim uposlenih u Agenciji prisustvovali i uposleni u Sudskoj policiji Federacije Bosne i Hercegovine, Ministarstvu unutrašnjih poslova Kantona Sarajevo, kao i Agenciji za upravljanje oduzetom imovinom Republike Srpske.

Sredstva potrebna za realizaciju ovih aktivnosti, koji su u nadležnosti Agencije i predstavljaju njene osnovne poslove utvrđene Zakonom, osigurala je Ambasada Velike Britanije u Bosni i Hercegovini.

Ad 4. Osim što su prisustvovali na navedenim obukama organiziranim za sudije, pravobranioce i tužioce, uposlenici Agencije prisustvovali su i sljedećim obukama:

- XVI savjetovanje iz krivičnogpravnog oblasti na temu „Suzbijanje teških krivičnih djela organizovanog kriminala i korupcije (organizator Udruženje sudija u Federaciji Bosne i Hercegovine);
- Pregled procesa strateškog planiranja, razvoj vizije i misije (organizator Agencija za državnu službu Federacije Bosne i Hercegovine u saradnji s Uredom koordinatora za reformu javne uprave u BiH);
- Analiza unutrašnjeg i vanjskog okruženja i strateško fokusiranje (organizator Agencija za državnu službu Federacije Bosne i Hercegovine u saradnji s Uredom koordinatora za reformu javne uprave u BiH);
- Rad komisija za javne nabavke s posebnim osvrtom na najčešće greške i e-aukcija u 2017. godini (organizator Evropa Komunikacije);
- Korak po korak - kroz praktične primjere i aktuelnosti u 2017. godini iz oblasti javnih nabavki (organizator Evropa Komunikacije);
- Kako osigurati efektivnu naplatu naknade nematerijalne štete dosuđene žrtvama ratnih zločina u okviru krivičnih postupaka (organizator TRIAL International);
- Aktuelna pitanja o izvršenju na nepokretnim i pokretnim stvarima (organizator Privredna štampa).

Operativni cilj 3 – Razvoj i jačanje materijalno-tehničkih kapaciteta Agencije

Ad 1. Kada su u pitanju skladišni kapaciteti Agencije, u izvještajnom periodu su sanirani postojeći skladišni kapaciteti u smislu popravke krova, te uređivanja i opremanja skladišnog prostora. Riječ je o skladištu u Rakovici koje je Agenciji dodijeljeno na korištenje. Navedenim radnjama su stvorene minimalne pretpostavke za kvalitetno skladištenje u skladu s prirodom i namjenom oduzete imovine.

Kad je u pitanju nabavka osnovnih sredstava za rad, bitno je istaći da je u toku 2016. godine uspostavljena vrlo dobra saradnja sa predstavnicima USAID Justice Project in BiH, koji su u nastavku aktivnosti izgradnje kapaciteta s ciljem podrške institucijama i organizacijama koje imaju značajnu ulogu u pravosuđu i dio je šireg djelovanja Vlade Sjedinjenih Američkih Država na unapređenju demokratije i vladavine prava u Bosni i Hercegovine obećali pružiti maksimalnu tehničku podršku Agenciji, te učestvovati i u opremanju skladišnog prostora sa svom neophodnom opremom. Ta saradnja je nastavljena i u izvještajnom periodu, gdje je USAID Justice Project in BiH započeo isporuku opreme donirane Agenciji i do kraja izvještajnog perioda isporučeno je sljedeće:

- Digitalni fotoaparati s tri objektiva;
- Brojač novčanica.

Ad 2. Kada je u pitanju preuzimanje same imovine u odredbi člana 31. stav c) Zakona, Agenciji je u nadležnost dato i vođenje evidencije o imovini koja se oduzima i sudskim postupcima u kojima se odlučuje o takvoj imovini. Službenici Agencije su u izvještajnom periodu radili i na sačinjavanju prijedloga sadržaja knjiga evidencija i to knjiga :

- Evidencija o privremeno oduzetoj pokretnoj imovini,
- Evidencija o privremeno oduzetoj nepokretnoj imovini,
- Evidencija o trajno oduzetoj pokretnoj imovini,
- Evidencija o trajno oduzetoj nepokretnoj imovini,

- Evidencija o oduzetom gotovom novcu, vrijednosnim papirima, vlasničkim računima, dionicama, udjelima u fondovima, udjelima ili poslovnim udjelima;
- Evidencija o uništenoj imovini;
- Evidencija o ugovorima zaključenim sa fizičkim i pravnim licima kojima je privremeno povjereno upravljanje nad oduzetom imovinom;
- Evidencija o sudskim postupcima u kojima se odlučuje o oduzimanju imovine nezakonito stečene krivičnim djelom.

U izvještajnom periodu sačinjene su sve knjige evidencija tako da je trenutno vođenje evidencija obavezan dio poslova koji se obavlja u Agenciji. Ovo je veoma bitna aktivnost koja je realizovana u izvještajnom periodu iz razloga što ovako sačinjena forma evidencija čini najpouzdaniji izvor o realnoj vrijednosti oduzete imovine u momentu njenog oduzimanja, s obzirom na to da su u njoj sumirani najvažniji podaci u pogledu oduzete imovine.

5.2. STRATEŠKI CILJ 2 – UPRAVLJANJE PRIVREMENO I TRAJNO ODUZETOM IMOVINOM U SKLADU S NADLEŽNOSTIMA AGENCIJE

Operativni cilj 1 – Postizanje efikasnosti i efektivnosti u upravljanju oduzetom imovinom

Ad 1. Kako bi na najbolji mogući način osigurali uvjete za zaštitu i očuvanje vrijednosti oduzete imovine, službenici Agencije su u izvještajnom periodu ostvarivali saradnju s drugim organima vlasti kao i raznim institucijama koje se finansiraju iz federalnog, državnog ili kantonalnog budžeta. Cilj navedenih sastanaka bio je poboljšanje rada Agencije i stvaranje pretpostavki za što efikasnije provođenje sudskih odluka, ali i u svrhu upoznavanja različitih institucija i organa o radu Agencije, te o mogućoj podršci koju isti mogu pružiti Agenciji.

U navedenu svrhu, službenici Agencije su održali sastanak s direktorom Zemaljskog muzeja na kojem je izložena problematika s kojom se Agencija eventualno može susresti prilikom mogućeg preuzimanja umjetničkih slika, predmeta od kulturnog ili historijskog značaja. Na predmetnom sastanku se diskutovalo o mogućem ostvarivanju saradnje između Agencije i Zemaljskog muzeja o prethodno navedenoj problematici. Saradnja je potrebna jer Agencija nema odgovarajućih sladišnih kapaciteta za sigurno skladištenje navedenih predmeta od umjetničke, kulturne ili historijske vrijednosti i značaja. Dogovoreno je da će Agencija uputiti pismo namjere po kojem će Zemaljski muzej po ocjeni važnosti preuzetih predmeta odlučiti da li će takve predmete, u svakom konkretnom slučaju, prihvatiti i skladištiti u svojim prostorijama.

S jednakom svrhom održan je sastanak s direktoricom Instituta za historiju na kojem je izložena problematika kao i ona tematizirana u Zemaljskom muzeju. Službenici Agencije na predmetnom sastanku ostvarili su pozitivan kontakt te je dogovorena saradnja za deponovanje i skladištenje predmeta od kulturnog, historijskog ili umjetničkog značaja u prostorijama Instituta za historiju. U narednom periodu Agencija će raditi na izradi i zaključenju odgovarajućeg sporazuma ili

protokola o saradnji s Institutom za historiju kojim će biti definisana prava i obaveze obje strane.

Službenici Agencije održali su sastanak sa uposlenicima Centralne banke Bosne i Hercegovine na kojem se raspravljalo o načinu rješavanja problema konvertovanja valuta koje komercijalne banke ne konvertuju, a koje Agencija preuzima po pravosnažnim sudskim odlukama. Naime, riječ je o takozvanim egzotičnim valutama. Iako konkretan odgovor i rješenje predmetne problematike nije ponuđeno službenicima Agencije, postignut je napredak u pogledu deponovanja i skladištenja umjetnina, predmeta od kulturnog i historijskog značaja u adekvatnim prostorijama Centralne banke Bosne i Hercegovine. U tu svrhu, Centralnoj banci Bosne i Hercegovine upućeno je pismo namjere o ostvarivanju potencijalne saradnje oko skladištenja navedenih predmeta koje Agencija može, putem sudskih odluka, preuzeti. Odgovor još nije zaprimljen, ali se očekuje pozitivan stav Centralne banke Bosne i Hercegovine te bi se predmetna problematika mogla riješiti kroz potpisivanje odgovarajućeg sporazuma ili protokola o saradnji.

Ad 2. Što se tiče saradnje s međunarodnim institucijama, posebno je važno istaći saradnju sa Ambasadom Sjedinjenih Američkih Država. Sa naših sastanaka potekle su mnogobrojne inicijative posebno iz razloga što su se predstavnici Ambasade Sjedinjenih Američkih Država zainteresirali da finansiraju projekte koje Agencija nije u mogućnosti finansirati usljed nedostatka finansijskih sredstava.

Na sastancima smo upoznali Ambasadu Sjedinjenih Američkih Država da je jedan od strateških ciljeva Agencije i uspostava sistema elektronskog upravljanja dokumentima i elektronske razmjene podataka. Informisali smo ih da smo stupili u kontakt sa firmom Kodeks d.o.o. Sarajevo, kojoj smo prezentirali potrebe i ideje vezano za navedeni strateški cilj. Firma Kodeks d.o.o. je za naše potrebe izradila Projektni zadatak s projekcijom troškova, koji smo dostavili Ambasadi Sjedinjenih Američkih Država.

Predstavili smo im i naše planove vezano za studijske posjete agencijama u regionu kao i posjetu Sjedinjenim Američkim Državama - posjetu Marshalskoj službi, a sve s ciljem razmjene iskustava, te stvaranja pretpostavki za poboljšanje sistema oduzimanja imovinske koristi, što kroz praksu, što kroz zakonodavna rješenja.

Predstavljena je i ideja organizacije konferencije kojoj bi prisustvovala sve članice Evropske unije, dok se jedan dio pregovora odnosio na nabavku opreme koja je Agenciji neophodna prilikom preuzimanja imovine. Riječ je o mobilnim skladištima u vidu kontejnera koji bi sadržavali i hladnjaču te specijalizovano motorno vozilo do 3,5 t s mobilnom kancelarijom, malom hladnjačom i malim sefom za prijevoz novca i plemenitih materijala.

U kontaktu s Ambasadom Sjedinjenih Američkih Država informirani smo da ćemo u mjesecu septembru biti informirani, da li će naši projekti biti finansijski podržani.


Sastanci ovakve vrste će se održavati i u budućnosti s ciljem dobre saradnje i efikasnijeg rada kada je u pitanju primjena Zakona.

Ad 3. Kada je u pitanju provođenje javnih konkursa, objavljivanje oglasa na web stranici ww.FAZUOI.gov.ba i u dnevnim novinama radi ubrzanog provođenja svih studija postupka javnog konkursa do donošenja odluke o realizaciji prodaje, Agencija je u izvještajnom periodu provela dva postupka prodaje trajno oduzete imovine (pokretnih stvari i građevinskog materijala) koja je postala vlasništvo Federacije Bosne i Hercegovine.

Kako u izvještajnom periodu predmetna roba nije prodana, u narednom će periodu direktor Agencije donijeti Odluku o daljim aktivnostima, a sve u skladu sa zakonskom procedurom.

Operativni cilj 2 - Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona o oduzimanju nezakonito stečene imovine krivičnim djelom u Federaciji Bosne i Hercegovine, kao i drugih pravnih subjekata u BiH

Ad 1. Kako bi na najkvalitetniji način stvorio pretpostavke za kvalitetno i efikasno upravljanje oduzetom imovinom, Agencija je u izvještajnom periodu kontinuirano radila na operativnoj saradnji s pravosudnim i tužilačkim organima. Intezivna saradnja ostvorena je sa sudovima u Kantonu Sarajevo i Tuzlanskom kantonu, što je vidljivo i u ispod navedenom grafikonu.



Grafikon 3 – Postupanje Agencije po odlukama sudova u periodu januar – juli 2017. godine

Pored operativnih sastanaka, realizovani su i sastanci s mnogobrojnim subjektima koji imaju obavezu da postupaju po Zakonu.

S tim u vezi početkom godine u Sarajevu održani su sastanci s komesarom Ministarstva unutrašnjih poslova Kantona Sarajevo, predsjednicom Općinskog suda u Sarajevu, predsjednikom Kantonalnog suda u Sarajevu, kao i predstavnicima Sudske policije u Federaciji Bosne i Hercegovine.

U istom periodu, radi uspostavljanja međuinstitucionalne saradnje, predstavnici Agencije održali su sastanke u Tuzli s predstavnicima Kantonalnog suda u Tuzli, Kantonalnog tužilaštva u Tuzli, Općinskog suda u Tuzli i predstavnicima Ministarstva unutrašnjih poslova Tuzlanskog kantona.

U mjesecu martu 2017. godine održan je sastanak s predsjednicom Kantonalnog suda u Novom Travniku i saradnicima.

Teme o kojima se razgovaralo na navedenim sastancima odnosile su se na primjenu Zakona, kao i namjeru potpisivanja sporazuma o uzajamnoj saradnji između Agencije i navedenih institucija.

Na radnim sastancima pokrenute su mnogobrojne inicijative za kvalitetniji i uspješniji rad Agencije, a od najznačajnijih izdvajamo usaglašen, donesen i potpisan Sporazum o međusobnoj saradnji između Agencije i Sudske policije Federacije Bosne i Hercegovine, kojim je preciziran cilj ovog sporazuma, odnosno da se odluke sudova u Federaciji Bosne i Hercegovine vezane za privremeno ili trajno oduzimanje nezakonito stečene imovine krivičnim djelom izvrše na efikasan i siguran način.

Ad 2. Kako Agencija nema operativne nadležnosti, Sudska policija Federacije Bosne i Hercegovine će u skladu s ovlaštenjima proisteklim iz Zakona o sudskoj policiji biti institucija koja će primarno biti zadužena za pružanje pomoći sudovima i Agenciji u provođenju odluka vezanih za privremeno ili trajno oduzimanje nezakonito stečene imovine krivičnim djelom. Pomoć Sudske policije Federacije Bosne i Hercegovine će se, pored ostalog, ogledati u stvaranju adekvatnog sigurnosnog ambijenta pri provedbi sudskih odluka, naročito u slučajevima u kojima se pruža ili očekuje pružanje otpora radi onemogućavanja izvršenja sudske odluke kojom se oduzima nezakonito stečena imovina.

Sada, na osnovu Sporazuma, Agencija i Sudska policija Federacije Bosne i Hercegovine vrše zajedničke pripremne aktivnosti i razmjenu operativnih informacija, kako bi u skladu s ovlaštenjima i obavezama proisteklim iz sudske odluke, postavljeni zadaci bili realizovani u cijelosti i blagovremeno.

S obzirom na to da je Agencija u prošloj godini ostvarila zavidnu saradnju s svim sudovima i tužilaštvima u Federaciji Bosne i Hercegovine, te da su isti upoznati s tim da je Agencija postala servis nadležnim sudovima i tužilaštvima u Federaciji Bosne i Hercegovine tokom provođenja postupaka za oduzimanje imovinske koristi pribavljene krivičnim djelom, kako tokom izricanja mjera osiguranja i privremenog oduzimanja imovinske koristi, tako i nakon donošenja presuda o trajnom oduzimanju u skladu sa Zakonom, ta saradnja je dodatno učvršćena i u toku izvještajnog perioda, a naročito s Visokim sudskim i tužilačkim vijećem s ciljem prepoznavanja zajedničkih ciljeva i realizacije istih.

5.3. STRATEŠKI CILJ 3 – PROVOĐENJE ANALIZA U PODRUČJU ODUZIMANJA IMOVINSKE KORISTI PRIBAVLJENE KRIVIČNIM DJELOM

Operativni cilj 1- Izrada jedinstvene metodologije za prikupljanje podataka i drugih informacija potrebnih za provođenje analiza u području oduzimanja imovinske koristi pribavljene krivičnim djelom

Ad 1. Osim nadležnosti Agencije u domenu upravljanja oduzetom imovinom, zakonska obaveza Agencije je i izrada strateških analiza i davanja preporuka u oblasti oduzimanja imovinske koristi pribavljene krivičnim djelom. S tim u vezi Agencija je u periodu januar - juni 2017. godine od nadležnih organa, posebno sudova i tužilaštava, prikupljala podatke, statističke preglede i informacije o predmetima u kojima je izrečena mjera oduzimanja imovinske koristi. Ova vrsta

analitičke građe poslužiti će Agenciji na kraju godine za izradu strateških analiza, prijedloga poboljšanja zakonskih i podzakonskih propisa u ovoj oblasti.

Dosadašnja iskustva su također pokazala vrlo neujednačenu praksu, tj. metodologiju registrovanja, čuvanja i dostavljanja traženih podataka od strane sudova u Federaciji Bosne i Hercegovine, što se na kraju odražava i na samu kvalitetu podataka i informacija na osnovu kojih Agencija vrši potrebne analize. Uz to, zahtjevi koji sve više dolaze iz relevantnih međunarodnih dokumenata i koji su rezultat procesa EU integracija, utjecali su na to da Agencija započne aktivnosti na izradi jedinstvene metodologije prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom.

S tim u vezi, aktivnosti Agencije u 2017. godini su bile fokusirane na izgradnju djelotvornijeg sistema prikupljanja, procjene, upoređivanja, analize i raspodjele prikupljenih podataka, odnosno na sačinjavanju jedinstvene metodologije za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije.

U vezi s navedenim, svim sudovima i tužilaštvima u Federaciji Bosne i Hercegovine Agencija je dostavila radnu verziju Uputstva o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom i pripadajuće obrasce, s molbom da se na njih isti očituju.

Isto tako značajno je naglasiti da je Agencija ovo Uputstvo iskoristila kao radni materijal za izradu prednacrtu Uredbe o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom, koji je zajedno s obrascima dostavljen Komisiji Federalnog ministarstva pravde.

Pismeno očitovanje i aktivni angažman o ovom pitanju zatražen je i od Visokog sudskog i tužilačkog vijeća Bosne i Hercegovine, koje ima najvažniju ulogu o pitanju vođenja Sistema za automatsko upravljanje predmetima (CMS) u kojem se, između ostalog, generišu i podaci o ovoj vrsti sudskih postupaka, tj. izrečenih mjera u krivičnim postupcima.

Namjera Agencije je bila da u ovom pogledu ostvari najveću moguću saradnju i zajednički pokuša unaprijediti metodologiju i općenito praksu evidentiranja i dostavljanja statističkih podataka u domenu oduzimanja imovinske koristi pribavljene krivičnim djelom, i time da pruži specifičan doprinos unapređenju rada cjelokupnog krivično-pravnog sistema u Bosni i Hercegovini.

U izvještajnom periodu Agencija je održala više radno-konsultativnih sastanka s predstavnicima Visokog sudskog i tužilačkog vijeća, gdje su razmatrana sva sporna pitanja vezana za način prikupljanja podataka, te su vezano za navedeno doneseni i konkretni zaključci.

Na osnovu dobijenih mišljenja, Agencija je izradila radnu verziju Uredbe o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom i uputila je Komisiji Federalnog ministarstva pravde da istu razmotri i uputi u dalju proceduru.

Ad 2. Osim ovog Uputstva, Agencija je bila nosilac aktivnosti vezanih za izradu Smjernica za postupanje nadležnih institucija u postupku za oduzimanje imovinske koristi pribavljene krivičnim djelom, u saradnji s Centrom za istraživanje politike suprostavljanja kriminalitetu (CPRC) u okviru projekta „Jačanje lokalnih kapaciteta u Federaciji Bosne i Hercegovine u borbi protiv korupcije i teških oblika kriminala putem oduzimanja imovinske koristi pribavljene krivičnim djelom“.

Povod za izradu jednog ovakvog materijala primarno je povezan s činjenicom da je sredinom marta 2015. godine stupio na snagu Zakon o oduzimanju nezakonito stečene imovine krivičnim djelom u Federaciji Bosne i Hercegovine. Naime, tim Zakonom se prvi put ova materija zasebno uređuje kroz jedan sveobuhvatan zakonski propis, te nalazi svoju primjenu u krivičnim predmetima koji se vode pred nadležnim sudovima u Federaciji Bosne i Hercegovine. Na osnovu tih prvih iskustava u praksi, na jedan sistematičan i pregledan način pokušalo se predložiti ujednačeno postupanje nekih od najvažnijih institucija koje učestvuju u postupku oduzimanja imovinske koristi pribavljene krivičnim djelom.

Navedeni strateški ciljevi i aktivnosti Agencije u 2017. godini su u cijelosti bili usklađeni s odobrenim finansijskim sredstvima u Budžetu Federacije Bosne i Hercegovine za 2017. godinu i to Odlukom o odobravanju izdvajanja sredstava „Tekući transferi neprofitnim organizacijama – Federalna agencija za upravljanje oduzetom imovinom“, utvrđenih Budžetom Federacije Bosne i Hercegovine za 2017. godinu Federalnom ministarstvu unutrašnjih poslova V. broj: 99/2017 od 27.02.2017. godine („Službene novine Federacije BiH“, broj 7/17), u ukupnom iznosu od 500.000 KM (slovima: pet stotina hiljada KM).

6. OSTALE AKTIVNOSTI AGENCIJE

6.1. Izrada Instrukcije Javnog komuniciranja Agencije i upoznavanje javnosti s primjenom Zakona

U januaru 2017. godine Agencija je izradila Plan javnog komuniciranja Agencije i upoznavanja javnosti sa primjenom Zakona. Planom javnog komuniciranja definisane su:

- ključne poruke za plan javnog komuniciranja,
- pripremanje i definiranje poruka,
- metodi komuniciranja prema opštoj javnosti, što podrazumjeva press konferencije, saopćenja za javnost, korištenje web stranice i digitalnih medija i upiti novinara,
- metodi komuniciranja prema stručnoj javnosti, što podrazumijeva izradu brošura i promotivnih materijala, digitalnu platformu za stručnu javnost i informativne posjete Agenciji i
- načela komuniciranja Agencije.

Korištenje utvrđenih poruka, njihovo pravilno i pravovremeno provođenje putem utvrđenih metoda komunikacije navedenih u Planu, uz poštivanje utvrđenih načela komuniciranja, dovest će do pozicioniranja Agencije u javnosti, kao ključne tačke u sistemu provedbe Zakona.

S obzirom na značaj poslova koje su joj zakonom date u nadležnost, Agencija je bila transparentna u svom radu i otvorena za saradnju sa svim međunarodnim i domaćim institucijama koje imaju doticaj s nezakonito stečenom imovinom krivičnim djelom.

U izvještajnom periodu posebna pažnja posvećena je publiciranju aktivnosti Agencije vezane za provedbu Zakona, kako bi sve relevantne strukture bosansko-hercegovačkog društva kao i međunarodne zajednice imale uvida u efektivnost Agencije u realizaciji zadataka zbog kojih je i osnovana. Obavješćavanje javnosti o radu Agencije vršilo se putem medija kao i redovnim ažuriranjem podataka na web stranici Agencije.

6.2. Izrada Plana integriteta

Agencija za prevenciju korupcije i koordinaciju borbe protiv korupcije je 2013. godine sačinila Smjernice za izradu i provođenje Plana integriteta broj: 03-50-536-1/13 od 31.12.2013. godine u kojim je precizirano da su sve javne institucije, na svim nivoima vlasti u BiH, dužne izraditi i usvojiti plan integriteta.

U skladu s navedenim, u izvještajnom periodu Agencija je pristupila izradi Plana integriteta Agencije za period 2017-2021. godine. Tako je donesena Odluka o izradi Plana integriteta i Odluka o imenovanju koordinatora i članova Radne grupe za izradu i provođenje Plana integriteta Agencije.

Rad Radne grupe podijeljen je u četiri faze, a Radna grupa je do kraja ovog izvještajnog perioda provela pripremnu fazu i fazu identifikacije podložnosti Agencije koruptivnom djelovanju.

6.3. Organizovanje Regionalne konferencije

Budući da je upravljanje oduzetom imovinom relativno nova oblast kako u Bosni i Hercegovini tako i u zemljama u okruženju, Planom rada za 2017. godinu je predviđeno održavanje Regionalne konferencije o temi „Najbolji modeli i dobre prakse u području upravljanja oduzetom imovinskom koristi pribavljene krivičnim djelom“.

Konferencija je održana u Sarajevu, u periodu od 11-13. aprila 2017. godine, a cilj iste je bio da se kroz najbolje prakse i studije predstave iskustva u području upravljanja oduzetom imovinskom koristi, odnosno upravljanje i raspolaganje pojedinim oblicima privremeno i trajno oduzete imovine.

Jedan od ciljeva ove konferencije bio je i razvijanje međunarodne saradnje Agencije sa organizacionim oblicima u regiji koji su nadležni za preuzimanje i upravljanje oduzetom imovinom stečenom izvršenjem krivičnog djela, te međusobno upoznavanje njihovih predstavnika u cilju efikasnijeg, a ako za tim bude iskazana potreba i koordiniranog djelovanja.

Konferencija je okupila 90 učesnika iz relevantnih institucija Bosne i Hercegovine i okruženja i omogućila da se kroz najbolje prakse i studije slučaja predstave iskustva u upravljanju i raspolaganju pojedinim oblicima privremeno i trajno oduzete imovine u krivičnim postupcima u tim državama i u Bosni i Hercegovini.

Na konferenciji su svoja najbolja iskustava o načinu upravljanja oduzetom imovinom iznijeli predstavnici agencija za upravljanje oduzetom imovinom iz Republike Slovenije, Republike Srbije, Crne Gore i bosanskohercegovačkog entiteta Republika Srpska, pravni ataše pri ambasadi Sjedinjenih Američkih Država, kao i

predstavnicima Kantonalnog tužilaštva i Kantonalnog suda Kantona Sarajevo, a sve s ciljem stvaranja dobre prakse, kao i procjene najboljeg modela upravljanja koji bi najviše koristio Agenciji, u njenom daljem radu.

Učesnici konferencije donijeli su sljedećih jedanaest zaključaka koji su proslijeđeni medijima i javnosti s ciljem transparentnosti rada Agencije:

- Upravljanje oduzetom imovinom je sastavni i vrlo važan segment sistema za oduzimanje nezakonito stečene imovine;
- Nužno je osigurati potpunu i efikasnu saradnju između svih institucija koje sudjeluju u sistemu za oduzimanje nezakonito stečene imovine, s naglaskom na blagovremeno uključivanje institucija za upravljanje oduzetom imovinom u planiranje, odlučivanje i izvršenje odluka o privremenom i trajnom oduzimanju;
- Upravljanje oduzetom imovinom treba u najvećoj mogućoj mjeri biti usmjereno očuvanju ekonomske vrijednosti oduzete imovine, zaštiti javnog interesa i uz najmanje troškove upravljanja takvom imovinom;
- Važno je osigurati efikasnu međunarodnu saradnju između specijaliziranih institucija koje se bave finansijskim istragama i upravljanjem oduzetom imovinom s ciljem efikasne borbe protiv svih oblika organizovanog i transnacionalnog kriminala;
- Harmonizacija važećih propisa u oblasti oduzimanja nezakonito stečene imovine bitna je pretpostavka za efikasniju saradnju između nadležnih institucija u ovom području;
- Potrebno je u što većem obimu i s ciljem zaštite javnog interesa raditi na povratu imovine (ponovna društvena upotreba) u zajednicu koja je oštećena krivičnim djelima;
- Prilikom upravljanja privremeno i trajno oduzetom imovinom u svim oblicima, potrebno je primjenjivati najbolje prakse i iskustva nadležnih institucija u regionu i Evropskoj uniji;
- Sve nadležne institucije koje učestvuju u postupku za oduzimanje nezakonito stečene imovine dužne su štiti prava i dostojanstvo trećih osoba i svih drugih subjekata koji uživaju zakonom propisana prava;
- Bitno je osigurati adekvatnu specijalizaciju svih profesionalaca koji postupaju u okviru sistema za oduzimanje nezakonito stečene imovine u svim segmentima postupanja;
- Radi ispravne primjene zakonskih propisa i unapređenja saradnje između sudova, tužilaštava i agencija koje se bave upravljanjem oduzetom imovinom potrebno je redovno organizirati edukacije, obuke i druge oblike stručnih skupova (okrugli stolovi, radionice i drugo);
- U okviru edukativnih aktivnosti potrebno je razviti odgovarajuće edukativne materijale u vidu priručnika, smjernica i drugo, koji se odnose na pitanja saradnje između nadležnih institucija za oduzimanje i upravljanje oduzetom imovinom.

Na kraju, pošto su svi učesnici iskazali veliki interes za ovim vidom okupljanja i razmjene znanja i iskustva, Agencija je ocijenila veliku korist od ove regionalne konferencije, te odlučila da svake godine okupi predstavnike navedenih organizacija i institucija s ciljem kreiranja zajedničke politike upravljanja oduzetom imovinom.

Iako je Agencija posljednja u regiji osnovana kao organizacija nadležna za preuzimanje i upravljanje oduzetom imovinom stečenom izvršavanjem krivičnog djela, ocijenila je da susreti stručnjaka iz regije ove oblasti i razmjena iskustava u daljem postupanju tom imovinom su od velikog značaja za dostizanje standarda Evropske unije u ovoj oblasti. Iz tog razloga donijela je odluku da bude organizator i domaćin ovog skupa.

6.4. Određivanje posebne stavke prihoda od oduzete imovine

S obzirom na činjenicu da su u toku 2016. godine neki sudovi već iskazali potrebu da Agencija preuzme nezakonito stečenu imovinu, Agencija se obratila Federalnom ministarstvu finansija – Federalnom ministarstvu financija sa zahtjevom za određivanje posebne stavke prihoda dobijenih primjenom odredaba Zakona. Posebna stavka prihoda Budžeta Federacije na koju će biti uplaćivana sredstva ostvarena oduzimanjem novca i imovine nezakonito stečene izvršenjem krivičnog djela tražena je radi adekvatnog vođenja evidencija, vršenja analiza i statistike iz ove oblasti, a što je i zahtjev Evropske direktive vezano za vođenje urednih statistika o oduzimanju imovinske koristi.

Dana 08.02.2017. godine Federalno ministarstvo finansija/financija donijelo je Pravilnik o izmjenama i dopuni Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“ broj 9/17). U tački 1. dodana je nova stavka prihoda „Novčana sredstva po osnovu primjene Zakona o oduzimanju nezakonito stečene imovine krivičnim djelom u Federaciji Bosne i Hercegovine – vrsta prihoda 723143“.

7. STVARANJE FINANSIJSKIH PREDUVJETA ZA RAD AGENCIJE

Ad 1. Stvaranje finansijskih preduvjeta za rad Agencije

Finansijska sredstva za rad Agencije planirana su Budžetom Federacije Bosne i Hercegovine za 2017. godinu na razdjelu 1401 - Federalno ministarstvo unutrašnjih poslova na ekonomskom kodu 614300 - „Tekući transferi neprofitnim organizacijama- Federalna agencija za upravljanje oduzetom imovinom“ (Službene novine Federacije BiH“, broj: 104/16) u ukupnom iznosu od 500.000 KM (slovima petstotinhiljada KM).

Vlada Federacije Bosne i Hercegovine Odlukom je dala saglasnost na Finansijski plan Federalne agencije za upravljanje oduzetom imovinom za 2017. godinu, V. Broj: 238/2017 od 22.02.2017. godine („Službene novine Federacije BiH“, broj: 13 /17).

Ukupni prihodi Federalne agencije za upravljanje oduzetom imovinom za 2017. godinu iznose 748.645 KM. Iznos od 500.000 KM planiran je Budžetom Federacije Bosne i Hercegovine za 2017. godinu, na razdjelu 1401 - Federalno ministarstvo unutrašnjih poslova na ekonomskom kodu 614300 - „Tekući transferi neprofitnim organizacijama– Federalna agencija za upravljanje oduzetom imovinom“, preostali dio u iznosu od 248.645 KM je neutrošeni dio transfera iz 2016. godine od Federalnog ministarstva pravde.

Planirani prihodi Agencije namijenjeni su za finansiranje plaća, doprinosa i naknada troškova zaposlenih, zatim tekućih izdataka i materijalnih troškova, te nabavku i održavanje stalnih sredstava.

Obezbjeđenjem navedenih finansijskih sredstava stvoreni su uvjeti za pravilno i zakonito vođenje materijalnog i finansijskog poslovanja Agencije.

Računovodstveno-finansijski poslovi za potrebe Agencije u 2017. godini vršeni su zaključivanjem ugovora o djelu s fizičkim licem navedene struke.

Ad 2. Pregled odobrenih i utrošenih sredstava iz transfera na dan 30.06.2017. godine

I Prihodi i primici

Ekonomski kod	Opis	Iznos (izražen u KM)
732100	Primljeni tekući transferi od ostalih nivoa vlasti i fondova (preostali dio transefa iz 2016. godine – Federalno ministarstvo pravde)	248.645
732100	Primljeni tekući transferi od ostalih nivoa vlasti i fondova (transfer iz 2017. godine - Federalno ministarstvo unutrašnjih poslova)	500.000
	Ukupno:	748.645

II Rashodi i izdaci

Ekonomski kod	Opis	Izvršenje za period 01.01 - 30.06.2017. (izražen u KM)
1	2	3
	UKUPNO RASHODI I KAPITALNI IZDACI	259.660
	UKUPNO RASHODI	250.197
6111	Bruto plaće i naknade	113.040
6112	Naknade troškova zaposlenih	12.163
	- naknada za prijevoz	3.127
	- naknada za topli obrok	9.036
6121	Doprinosi poslodavca	11.869
6131	Putni troškovi	1.609
	- troškovi dnevnica u zemlji	988
	- troškovi smještaja za služb. putovanja u zemlji	621
6132	Izdaci za energiju	2.602
	- izdaci za električnu energiju	953
	- izdaci za centralno grijanje	1.649
6133	Izdaci za komunikaciju i komunalne usluge	4.102
	- izdaci za telefon	903
	- izdaci za internet	389
	- izdaci za mobilni telefon	1.484
	- poštanske usluge	869
	- izdaci za vodu i kanalizaciju	223
	- izdaci za odvoz smeća	94
	- izdaci za deratizaciju	140

6134	Nabavka materijala i sitnog inventara	5.549
	- izdaci za obrasce i papir	262
	- izdaci za kompjuterski materijal	786
	- sitan inventar	793
	- kancelarijski materijal	1.857
	- auto gume	360
	- ostali administrativni materijal	1.004
	- materijal za čišćenje	487
6135	Izdaci za usluge prijevoza i goriva	3.025
	- izdaci za gorivo	2.297
	- izdaci za registraciju motornih vozila	728
6136	Unajmljivanje imovine, opreme i nemat. imovine	17.617
	- zakupnina za poslovni prostor	17.617
6137	Izdaci za tekuće održavanje	5.037
	- izdaci za održavanje opreme	13
	- izdaci za održavanje poslovnog prostora	4.125
	- izdaci za održavanje vozila	899
6138	Izdaci za osiguranja, bankarskih usluga i usl.pl.pr.	818
	- izdaci za bankarske usluge	818
6139	Ugovorene i druge posebne usluge	72.766
	- usluge štampe	300
	- usluge javnog inormisanja (konk. oglasi)	2.815
	- usluge reprezentacije	3.674
	- izdaci stručnog osposobljavanja	400
	- troškovi vještačenja	3.000
	- izdaci za komisije	1.500
	- ugovori o djelu neto	25.116
	- porezi i doprinosi na ugovore o djelu i komisije	5.298
	- posebna naknada za zaštitu od prir. i dr. nesreća	510
	- izdaci za fizičko osiguranje objekta	1.264
	- ostale usluge i dadžbine i takse	28.889
	UKUPNO KAPITALNI IZDACI	9.463
8213	Nabavka opreme	9.463
	- Kancelarijski namještaj (radni stolovi, stolice, ormari)	6.458
	- Oprema za prenos podataka i glasa	1.205
	- Djela likovne umjetnosti	1.800

- **Bruto plaće**

Bruto plaće i naknade i doprinosi poslodavca za period 01.01 - 30.06.2017. godine iznose 124.909,00 KM, što se odnosi na neto plaću (77.997,00 KM) i poreze i doprinose (46.912,00 KM).

Agencija na dan 30.06.2017. godine ima 12 zaposlenih:

- direktor,
- šest državnih službenika i
- pet namještenika.

Obračun plaća, naknada plaća i poreza i doprinosa izvršen je u skladu s odredbama Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10, 111/12 i 20/17).

- **Naknade troškova zaposlenih**

Naknade troškova zaposlenih za period 01.01 - 30.06.2017. godine iznose 12.163,00 KM. Naknade se odnose na naknade za topli obrok (9.036,00 KM), prijevoz (3.127,00 KM).

- **Putni troškovi**

Ukupno ostvareni putni troškovi za period 01.01 - 30.06.2017. godine iznose 1.609,00 KM. Ukupni troškovi se odnose na putne troškove u zemlji, troškove dnevnica (988,00 KM) i smještaja (621,00 KM). Službena putovanja realizovana su u svrhu prisustvovanja različitim stručnim seminarima i radionicama.

- **Izdaci za energiju**

Ukupno ostvareni izdaci za energiju za period 01.01 - 30.06.2017. godine iznose 2.602,00 KM i odnose se na utrošak električne energije (953,00 KM) i centralno grijanje (1.649,00KM).

- **Izdaci za komunikaciju i komunalne usluge**

Izdaci za komunikaciju i komunalne usluga za period 01.01 - 30.06.2017. godine iznose 4.102,00 KM i odnose se na: fiksni telefon (903,00 KM), mobilni telefon (1.484,00 KM), izdatke za internet (389,00 KM), poštanske usluge (869,00 KM), izdatke za vodu i kanalizaciju (223,00 KM), izdatke za odvoz smeća (94,00 KM) i izdatke za deratizaciju (140,00 KM).

Agencija je troškove službenog fiksnog telefona i mobitela u potpunosti prilagodila u skladu sa Zaključkom Vlade Federacije broj: 456/2015 od 14.04.2015. godine.

- **Nabavka materijala i sitnog inventara**

Na ovoj poziciji je iskazana realizacija za period 01.01 - 30.06.2017. godine u iznosu od 5.549,00 KM, a odnosi se na izdatke za obrasce i papir, kompjuterski materijal, uredski materijal i ostali administrativni materijal (3.909,00 KM) i sitan inventar (793,00) KM, auto gume (360,00KM) i materijal za čišćenje (487,00 KM).

- **Izdaci za usluge prijevoza i goriva**

Ukupni izdaci na ovoj poziciji za period 01.01-30.06.2017. godine iznose 3.025,00 KM, a odnose se na utrošak goriva 2.297,00 KM i registraciju motornog vozila (728,00 KM).

- **Unajmljivanje imovine, opreme i nematerijalne imovine**

Na ovoj poziciji ukupni izdaci za zakupninu iznose 17.617,00 KM. Agencija je sklopila ugovor o zakupu poslovnog prostora sa JP Željeznice FBiH. Izdaci za zakup poslovnog prostora iznose 17.617,00 KM.

- **Izdaci za tekuće održavanje**

Izdaci na ovoj poziciji za period 01.01 - 30.06.2017.godine iznose 5.037,00 KM, a odnose se na izdatke za održavanje opreme (13,00 KM), izdatke za održavanje skladišnog prostora (4.125,00 KM) i izdatke za održavanje vozila (899,00 KM).

- **Izdaci za osiguranja, bankarskih usluga i usluga platnog prometa**

Izdaci na ovoj poziciji za period 01.01 - 30.06.2017. godine iznose 818,00 KM a odnose se na bankarske usluge u iznosu od 818,00 KM.

- **Ugovorene usluge i druge posebne usluge**

Izdaci za ugovorene usluge za period 01.01 - 30.06.2017. godine iznose 72.766,00 KM. Odnose se na usluge štampe (300,00KM), usluge javnog informisanja - objava oglasa (2.815,00 KM), usluge reprezentacije (3.674,00 KM), izdatke za stručno obrazovanje (400,00 KM), troškove vještačenja (3.000,00 KM), izdatke za komisije (1.500,00 KM), ugovore o djelu neto (25.116,00 KM), poreze i doprinose na ugovore o djelu i komisije (5.298,00 KM), posebne naknade za zaštitu od prirodnih i drugih nesreća (510,00 KM), izdatke za fizičko osiguranje objekta (1.264,00) KM i ostale usluge i dadžbine i takse, održavanje Regionalne konferencije (12.953,00 KM), izradu Elaborata za izradu standarda preuzimanja, skladištenja i čuvanja svih vrsta motornih vozila (6.845,00 KM), Izradu Plana javnog komuniciranja Agencije i upoznavanje javnosti sa primjenom Zakona (6.786,00 KM), seminare (595,00 KM), izradu inv. brojeva (819,00KM), dopunu za tacc (450,00KM), ovjeru god. obračuna (70,00 KM) i ost. troškove (321,00KM).

Angažiranje stručnih lica po osnovu ugovora o djelu radi učešća u aktivnostima koje se odnose na uspostavljanju rada Agencije vršit će se do sticanja uvjeta za zapošljavanje državnih službenika i namještenika, odnosno dok se isti u cijelosti ne osposobe za preuzimanje svih poslova koji su u nadležnosti Agencije.

U periodu od 01.01. do 30.06.2017. godine zaključeno je sedam ugovora o djelu sa stručnim licima radi izvršavanja poslova za koji je nadležna.

Izvršioци su se obavezali da će kvalitetno, stručno, efikasno i u predviđenim rokovima koje utvrdi Naručilac pružiti stručnu pomoć i uzeti aktivno učešće u:

- vršenju početnih aktivnosti prilikom oduzimanja i upravljanja nezakonito

- stečenom imovinom;
- izrada svih ugovora;
- sačinjavanju nacrtu provedbenih akata za uspostavljanje rada Agencije; pripremanje pisama i obrazloženja na akta Agencije koja se dostavljaju Vladi Federacije i drugim federalnim organima uprave za dobijanje saglasnosti, mišljenja i sl.;
- pružanju pravnih savjeta i usluga kod uspostavljanja rada Agencije; pripremanju pisama za ostvarivanje komunikacije s drugim federalnim organima radi uspostavljanja rada Agencije;
- izradi prijedloga Plana rada Agencije za 2017. godinu;
- pripremi finansijskog plana Agencije za 2017. godinu;
- pripremi plana javnih nabavki robe i usluga i potrebne dokumentacije i drugih akata od značaja za pokretanje i provođenje procedura javnih nabavki;
- praćenju realizacije finansijskog plana Agencije za 2017. godinu i kontrolu zakonitosti trošenja sredstava;
- kontiranju i knjiženju svih poslovnih promjena u finansijskom knjigovodstvu (glavna knjiga sa analitičkim evidencijama);
- obračunavanju plaća i naknada uposlenika, te naknada po ugovorima o djelu;
- izradi periodičnih izvještaja, godišnjeg obračuna kao i svih izvještaja u sklopu navedenih obračuna;
- sastavljanju izvještaja o godišnjim primanjima uposlenika i njihovoj dostavi nadležnim službama;
- pružanju usluga organizacije i kontrole finansijskog i blagajničkog poslovanja;
- pružanju konsultanskih usluga iz oblasti računovodstva;
- pružanje usluga na realizaciji planirane organizacije rada računovodstvene službe;
- obavljanju administrativno-tehičkih, kurirskih i arhivskih usluga;
- prikupljanju podataka, statističkih izvještaja i drugih informacija iz pravomoćno okončanih postupaka za oduzimanja imovinske koristi;
- vršenju pripremnih aktivnosti na izradi određenih analiza;
- pružanju usluga lektorisanja i prijevoda i
- vršenju usluga vještačenja ekonomske struke.

• Kapitalni izdaci

Ukupni kapitalni izdaci za period 01.01 - 30.06.2017. godine iznose 9.463,00 KM, a odnose se na nabavku opreme:

Kancelarijski namještaj (radni stolovi, stolice, ormari)	6.458,00 KM
Oprema za prenos podataka i glasa	1.205,00 KM
Djela likovne umjetnosti	1.800,00 KM

• Javne nabavke

Agencija je u izvještajnom periodu provela postupke javnih nabavki u skladu sa Zakonom o javnim nabavkama („Službeni glasnik BiH“, broj 39/14), Pravilnikom o postupku direktnog sporazuma u Federalnoj agenciji za upravljanje oduzetom imovinom broj: 14/2015 od 30.06.2015. godine i Planom nabavki za 2017. godinu.

Provedena su dva konkurentna postupka s objavom obavještenja za nabavku usluga i robe. Što se tiče postupaka nabavke robe i usluga manjih vrijednosti, provedeni su direktni postupci od kojih je značajno spomenuti zaključene ugovore za izradu Plana javnog komuniciranja, izradu Elaborata za izradu standarda preuzimanja, skladištenja i čuvanja motornih vozila, nabavku usluga – popravka krova skladišnog prostora i slično.

U periodu januar-juni 2017. godine odobrena finansijska sredstva su trošena vrlo racionalno i na izvršavanje najnužnijih poslova prilagođenih trenutnim potrebama Agencije.

U ovom periodu strogo se vodilo računa da svi računovodstveni poslovi budu tačni, uredni, istiniti, pouzdani i zaštićeni od bilo kakvih protuzakonitih aktivnosti. Praćeni su propisi iz oblasti računovodstva i finansija s ciljem njihove blagovremene primjene i osiguranja što boljih uvjeta za neometan rad Agencije.

Imajući u vidu okolnosti pod kojim je Agencija radila u izvještajnom periodu, može se zaključiti da je Agencija u vrlo kratkom periodu u cijelosti ostvarila planirane aktivnosti i vrlo povoljnu međunarodnu saradnju koja će joj biti od velike koristi za rad u narednim godinama. Isto tako treba istaći da je Agencija djelovala na profesionalan i odgovoran način, dosljedno primjenjujući Zakon. U svom je radu nastojala biti vrlo transparentna i otvorena za sve institucije i uvijek bila dostupna za pružanje informacija javnosti o svom djelovanju. Na kraju, može se kazati da je Agencija sa 30.06.2017. godine u skladu s finansijskim mogućnostima i kadrom kojim je raspolagala uspostavila dobre pravne, kao i materijalno tehničke uvjete za uspješan rad u narednom periodu.

Broj:01-05-369/2017
Sarajevo, 07.07.2017. godine

DIREKTOR

mr. sci. Kenan Kapo